

Bosna i Hercegovina
Federacija Bosne i Hercegovine
Kanton Središnja Bosna / Srednjobosanski kanton

KANTONALNI SUD U NOVOM TRAVNIKU

Broj: 06 0 K 009862 21 Kv 4
Novi Travnik, 11.04.2022. godine

Kantonalni sud u Novom Travniku u vijeću sastavljenom od sudaca Mirjana Grubešić predsjednica vijeća, Stana Imamović i Nijaz Krnjić, članovi vijeća uz sudjelovanje zapisničara Vanje Lovrinović, odlučujući o molbi za objedinjavanje izrečenih kazni zatvora osuđenog Đemahudina Mahalbašić zvani Demo, sin F. i majke S., djevojački Š., rođen ... godine u Z., sa boravištem u R. S., mjesto S. u kući vlasništvo Đ. J., po nacionalnosti B., državljanin BiH, JMBG ..., pismen, završena SSS, nezaposlen, oženjen, nema djece, slabog imovnog stanja, služio vojsku JNA u P., C. G. ...g., vodi se u VE Z., neodlikovan, osuđivan, trenutno na izdržavanju kazne zatvora u Kazneno poravnom zavodu zatvorenog tipa Z., , po osnovu iz člana 340a. stav 1. i člana 347. stav 1. Zakona o krivičnom postupku Federacije Bosne i Hercegovine („Službene novine Federacije BiH“ broj 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13), na sjednici vijeća održanoj dana 11.04.2022 godine donio je sljedeću:

PRESUDU

Usvaja se zahtjev Đemahudina Mahalbašić JMBG ... za nepravo ponavljanje krivičnog postupka, tako da se pravosnažna presuda Kantonalnog suda u Novom Travniku broj 06 0 K 009862 19 K 2 od 20.05.2019. godine kojom je osuđen na kaznu zatvora u trajanju od 5 (pet) godina i 6 (šest) mjeseci za krivično djelo ratni zločin protiv civilnog stanovništva iz člana 142. stav 1. preuzetog Krivičnog zakona SFRJ-a, djelimično preinačena presudom Vrhovnog suda Federacije Bosne i Hercegovine broj 06 0 K 009862 19 Kž 2 od 14.11.2019. godine kojom je odlučeno da mu se u izrečenu kaznu zatvora uračuna vrijeme provedeno u pritvoru od 18.09.2016. godine do 09.02.2017. godine i od 12.04.2019. godine pa do upućivanja na izdržavanje kazne zatvora i pravosnažna presuda Vojnog suda u Travniku sa sjedištem u Vitezu broj K: 28/95 od 27.07.1995. godine kojom je osuđen za krivično djelo ubistva iz člana 36. stav 1. Krivičnog zakona Republike Bosne i Hercegovine na kaznu zatvora u trajanju od 9 (devet) godina koja je preinačena presudom Vrhovnog suda Hrvatske Republike Herceg Bosna broj Kž: 33/96 od 14.08.1996. godine i osuđen na kaznu zatvora u trajanju od 6 (šest) godine, se preinačavaju u dijelu odluke o kazni zatvora, tako što se kazne zatvora izrečene tim presudama uzimaju kao utvrđene, pa se primjenom odredbe člana 54. stav 1. i stav 2. tačka b., a u vezi sa članom 56. stav 1. Krivičnog zakona Federacije Bosne i Hercegovine, Đemahudin Mahalbašić, ostali podaci kao u spisu

OSUĐUJE

na jedinstvenu kaznu zatvora u trajanju od 11 (jedanaest) godina i 2 (dva) mjeseca.

U izrečenu jedinstvenu kaznu zatvora ima se uračunati vrijeme provedeno u pritvoru po obije presude, vrijeme provedeno na izdržavanju kazne zatvora po presudi Vojnog suda u Travniku sa sjedištem u Vitezu broj K: 28/95 od 27.07.2095. godine, preinačena presudom Vrhovnog suda Hrvatske Republike Herceg Bosna broj KŽ:33/96 od 14.08.1996. godine i vrijeme provedeno na izdržavanju kazne po presudi ovoga suda broj 06 0 K 009862 19 K 2 od 20.05.2019. godine, shodno presudi Vrhovnog suda Federacije Bosne i Hercegovine broj 06 0 K 009862 19 Kž 2 od 14.11.2019. godine.

U ostalom dijelu preinačene presude ostaju neizmijenjene.

Obrazloženje

Osuđeni Đemahudin Mahalbašić je 29.11.2021. godine podnio zahtjev za nepravu ponavljanje krivičnog postupka. U bitnom navodi da je presudom Višeg suda Travnik broj K: 54/95 od 16.02.1996. godine osuđen na kaznu zatvora u trajanju od 5 godina, presudom Vojnog suda Travnik sa sjedištem u Vitezu broj K: 28/95 od 27.07.1995. godine osuđen na kaznu zatvora u trajanju od 9 godina koja je koja je preinačena presudom Vrhovnog suda Hrvatske Republike Herceg Bosna broj KŽ: 33/96 od 14.08.1996. godine i osuđen na kaznu zatvora u trajanju od 6 godine i presudom ovog suda 06 0 K 009862 19 K 2 od 20.05.2019. godine osuđen na kaznu zatvora u trajanju od 5 godina i 6 mjeseci, da je prosuda ovoga suda postala pravomoćna 14.11.2019. godine, po kojoj se trenutno nalazi na izdržavanju kazne zatvora. Kako mu ranije izrečena kazna nije objedinjena izricanjem kazne po presudi ovog suda od 20.05.2019. godine, traži izricanje jedinstvene kazne u smislu člana 56. stav 1. Krivičnog zakona Federacije Bosne i Hercegovine, jer je djelo za koje je osuđen presudom ovog suda počinio prije dijela po presudi Vojnog suda Travnik koja je preinačena presudom Vrhovnog suda Hrvatske Republike Herceg Bosna broj KŽ:33/96 od 14.08.1996. godine, da je kaznu po toj presudi izdržao nakon čega je pokrenut postupak pred ovim sudom, za djelo koje je počinjeno u istom periodu kao i prethodno djelo. Stoga predlaže ovom sudu da izvrši objedinjavanje kazne po presudi broj 06 0 K 009862 19 K 2 od 20.05.2019. godine sa izdržanom kaznom po presudi Vrhovnog suda Hrvatske Republike Herceg Bosna broj KŽ: 33/96 od 14.08.1996. godine. Uz zahtjev je dostavio navedene presude, potvrdu o uslovnom otpustu sa izdržavanja kazne zatvora broj 04-12-28/96-371/99 od 13.04.1999. godine i rješenje Višeg suda u Travniku sa sjedištem u Vitezu broj K: 54/95 od 30.04.1996. godine.

Prije odlučivanja o zahtjevu za ponavljanje postupka, ovaj sud je po službenoj dužnosti od Kantonalnog tužilaštva Travnik pribavio mišljenje u vezi sa zahtjevom za nepravu ponavljanje postupka, koje je se aktom broj T06-0-KTRZ 0005800 12 od 07.03.2022. godine, saglasilo sa zahtjevom za objedinjavanje kazne izrečene pravomoćnom presudom ovog suda od 20.05.2019. godine sa kaznom po presudi Višeg suda u Travniku sa sjedištem u Vitezu broj K:54/95 od 16.02.1996. godine preinačena presudom Vrhovnog suda Hrvatske Republike Herceg Bosne broj KŽ: 33/96 od 14.08.1996. godine i da se prilikom izricanja jedinstvene kazne zatvora primijene pravila o odmjeravanju kazne za krivična djela u sticaju, shodno odredbi člana 54. Krivičnog zakona Federacije Bosne i Hercegovine.

Iz akta Općinskog suda u Travniku broj 51 0 Su 199709 22 Dp od 15.03.2022. godine proizilazi da je osuđeni Đemahudin Mahalbašić, po pravomoćnoj presudi ovog suda broj 06 0 K 009862 19 K 2 od 19.05.2019. godine, kojom je osuđen na kaznu zatvora u trajanju od 5 godina i 6 mjeseci, 27.01.2020. godine upućen na izdržavanje kazne zatvora u Kazneno popravni zavod zatvorenog tipa Zenica i da je po presudi Višeg suda Travnik broj K:54/95 od 16.02.1996. godine, koja je preinačena presudom

Vrhovnog suda Hrvatske Republike Herceg Bosne broj Kž: 33/96 od 14.08.1996. godine kojom mu je izrečena kazna zatvora od 6 godina, kaznu izdržao u Okružnom zatvoru Busovača u periodu od 13.02.1995. godine do 13.10.1999. godine, kada je uslovno otpušten po rješenju Federalnog Ministarstva pravde Sarajevo broj 05-12-87/99 od 15.03.1999. godine.

Iz zahtjeva i presuda koje je dostavio uz zahtjev, te dokumentacije koji je ovaj sud probavio po o službenoj dužnosti, ovo vijeće je utvrdilo da je Đemahudin Mahalbašić presudom Vojnog suda u Travniku sa sjedištem u Vitezu broj K: 28/95 od 27.07.1995. godine, osuđen za krivično djelo ubistva iz člana 36. stav 1. Krivičnog zakona Republike Bosne i Hercegovine na kaznu zatvora u trajanju od 9 (devet) godina, da je ta presuda po žalbi osuđenog preinačena presudom Vrhovnog suda Federacije Bosne i Hercegovine broj Kž: 33/96 od 14.08.1996. godine i osuđen na kaznu zatvora u trajanju od 6 godine, da je tu kaznu izdržao u periodu od 13.02.1995. godine do 13.10.1999. godine, kada je uslovno otpušten po rješenju Federalnog Ministarstva pravde Sarajevo od 15.03.1999. godine. Pored toga, pravomoćnom presudom ovoga suda broj 06 0 K 009862 19 K 2 od 20.05.2019. godine osuđen je za krivično djelo ratni zločin protiv civilnog stanovništva iz člana 142. stav 1. preuzetog Krivičnog zakona SFRJ-a i izrečena mu kazna zatvora u trajanju od 5 godina 6 mjeseci. Ova presuda je preinačena presudom Vrhovnog suda Federacije BiH broj 06 0 K 009862 19 Kž 2 od 14.11.2019. godine, ali samo u odnosu na uračunavanje vremena provedenog u pritvoru, u izrečenu kaznu zatvora i to period od 18.09.2016. godine do 09.02.2017. godine i od 12.04.2019. godine pa do upućivanja na izdržavanje kazne zatvora, da je po ovoj presudi na izdržavanje kazne zatvora u Kazneno poravni zavod zatvorenog tipa Zenica upućen 27.01.2020. godine.

Pored toga u zahtjev je dostavio i presudu Višeg suda Travnik sa sjedištem u Vitezu broj K: 54/95 od 16.02.1996. godine kojom je osuđen za krivično djelo ubistva iz člana 36. stav 1. preuzetog krivičnog zakona Republike Bosne i Hercegovine i to iz istog kritičnog događaja za koje je osuđen i presudom Vojnog suda u Travniku sa sjedištem u Vitezu broj K: 28/95 od 27.07.1995. godine, odnosno da je 12.02.1995. godine oko 23:30 sati, kao pripadnik 94.Domobranske pukovnije „Jure Francetić“ u selu Očice Općina Vitez, lišio života oštećenog Gorana Kokić, za koju mu je izrečena kazna zatvora u trajanju od 5 godina. Kako se radi o istom događaju u kome je samrtno stradalo isto lice, izrečena kazna zatvora po ovoj presudi nije uzeta u obzir prilikom odlučivanja u ovom postupku.

Članom 56. stav 1. Krivičnog zakona Federacije Bosne i Hercegovine („Službene novine Federacije BiH“ broj 36/03, 37/03, 21/04, 69/04, 18/05, 42/10, 247/11, 59/14, 76/14 i 46/16) utvrđena su pravila odmjeravanja kazne osuđenoj osobi. Ovom odredbom je propisano, ako se osuđenoj osobi sudi za krivično djelo učinjeno prije nego što je započela izdržavanje kazne po ranijoj osudi ili za djelo koje je učinjeno za vrijeme izdržavanja kazne zatvora, sud će izreći jedinstvenu kaznu za sva krivična djela, primjenom pravila o izricanju kazni za krivična djela počinjena u sticaju, pri čemu će uzeti u obzir visinu ranije izrečene kazne kao utvrđenu, a dio kazne koju je osuđeni već izdržao će se uračunati u kaznu zatvora.

Članom 340a. Zakona o krivičnom postupku Federacije Bosne i Hercegovine u relevantnom djelu je propisano da se pravosnažna presuda može preinačiti i bez ponavljanja krivičnog postupka (nepravo ponavljanje), ako je u dvije ili više presuda protiv isto osuđenog izrečeno više kazni, a nisu primijenjene odredbe o odmjeravanju jedinstvene kazne za djela u sticaju, a stavom 2. iste odredbe da će prvostepeni sud koji je sudio u predmetu u kome je izrečena najstrožija vrsta kazne, a ako su kazne iste

onda sud koji je posljednji izrekao kaznu, presudom preinačiti ranije presude u pogledu odluke o kazni i izreći jedinstvenu kaznu.

Dakle, iz isprava koje se dostavljen uz zahtjev i onih koje ovaj sud pribavio, proizilazi da je Đemahudin Mahalbašić krivično djelo ratni zločin protiv civilnog stanovništva iz člana 142. stav 1. preuzetog krivičnog zakona SFRJ-a, počinio u vremenskom periodu od aprila do juna mjeseca 1993. godine i u martu ili aprilu 1994. godine, a krivično djelo ubistva za koje je pravomoćno osuđen presudom Vojnog suda u Travniku sa sjedištem u Vitezu broj K: 28/95 od 27.07.1995. godine (preinačena u odluci o visini kazne Vrhovnog suda Hrvatske Republike Herceg Bosna broj Kž: 33/96 od 14.08.1996. godine) je počinio 12.02.1995. godine i kaznu po toj presudi izdržao u periodu od 13.02.1995. godine do 13.10.1999. godine.

Kako prilikom izricanju kazne zatvora u premetu ovog suda broj 06 0 K 009862 19 K 2, sudeće vijeće nije imao podatak da je osuđeni Đemahudin Mahalbašić ranije pravomoćno osuđen na kaznu zatvora u trajanju od 6 godine, ispunjene su pretpostavke za objedinjavanje izdržane kazne zatvora i kazne zatvora po presudi ovog suda broj 06 0 K 0009862 19 K 2 od 20.05.2019. godine, jer je krivično djelo za koje je osuđen presudom ovog suda od 20.05.2019. godine, počinjeno prije nego je stupio na izdržavanje ranije izrečene kazne zatvora.

Prilikom odlučivanja o visini jedinstvene kazne zatvora cijenjene su okolnosti koje su utvrđene i cijenjene prilikom odlučivanja o visini kazne u pravomoćnim presudama koje su predmet nepravog ponavljanja postupka. Prije svega da se radi o teškim krivičnim djelima i to krivično djelo ubistva u kome je strno stradalo jedno lice i krivično djelo ratnog zločina protiv civilnog stanovništva. Ovo krivično djelo je počinio kao pripadnik vojne formacije u periodu od aprila do juna 1993. godine i to prema zarobljenim civilima u krugu vojnog zatvora Kanonik tako što ih je fizički i psihički zlostavljao, nanio im tjelesne povrede, nekima od zarobljenih civila oduzeo zlatni nakit i druge vrijedne pokretne stvari, a u martu ili aprilu u istom objektu, iskoristivši svoj nadređeni položaj, više puta silovao oštećenu S. H., koja je također bila zarobljena u istom objektu. Dakle, koristeći svoj nadređeni položaj zlostavljao, silovao i oduzimao im zlato i druge vrijedne predmete, čime je postupio suprotno odredbi člana 3. stav 1. tačka a) i c) Ženevske konvencije o zaštiti civilnih osoba od 12.08.1949. godine.

Stoga ovo vijeće smatra da izrečena jedinstvena kazna zatvora u trajanju od 11 godina i 2 mjeseca, odgovara težini izvršenih djela i posljedicama koje su nastupile i da će sa ovakvom kaznom biti postignuta svrha kažnjavanja.

U izrečenu jedinstvenu kaznu zatvora ima se uračunati vrijeme provedeno u pritvoru po obje presude, vrijeme provedeno na izdržavanju kazne po presudi Vojnog suda u Travniku sa sjedištem u Vitezu broj K: 28/95 od 27.07.2095. godine, preinačena presudom Vrhovnog suda Federacije Bosne i Hercegovine broj Kž:33/96 od 14.08.1996. godine i vrijeme provedeno na izdržavanju kazne po presudi ovoga suda broj 06 0 K 009862 19 K 2 od 20.05.2019. godine shodno presudi Vrhovnog suda Federacije Bosne i Hercegovine broj 06 0 K 009862 19 Kž 2 od 14.11.2019. godine

Iz navedenih razloga odlučeno je kao u izreci ove presude.

Zapisničar
Vanja Lovrinović

Predsjednica vijeća
Mirjana Grubešić

Pravna pouka:

Protiv ove presude dozvoljena je žalba Vrhovnom sudu Federacije BiH koja se podnosi u 3 primjerka putem ovog suda u roku od 15 dana od dana prijema presude.